

लाहना

व्यवसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया निंतिं
लुमंका दिसें ।

लक्ष्मण गजाल 'विलंमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने



गुकर्यं स्वयं गु नेवा:तयसं कथित
एकीकरणयात ?
राजेन मानन्धर - २



ध्य:चाकु संल्ह व माघ महात्म्य
कल्याण मित्र - ३



कोरोनाया दथुइ भारतय हाकनं खनेदयावल
बर्डफ्लु
पूर्णिमा शाक्य - ६



थेच नवदुर्गा प्याख
पेज ४-५

कात्ति प्याखंयात ५० लाख

न्यादँ दुने १० करोड तकाया अक्षय कोष स्थापना याय्गु आज्जु

नृपेन्द्रलाल श्रेष्ठ

यलया नांजा:गु कात्ति प्याखंया कोष दय्केत धका: यल महानगरपालिका ५० लाख तका ग्वाहालि या:गु दु । कात्तिक नाच संरक्षण समितिं यल मंगलय या:गु थुगुसीया कात्ति प्याखं समापन समारोहस महानगर प्रमुख चिरिबाबु महर्जनं कात्तिक नाच संरक्षण समितिया नाय:यात किरण चित्रकारयात ५० लाख तकाया चेक ल:ल्हानादिल । समापन समारोहस नवासें महानगर प्रमुख महर्जनं यलया मूर्त अमूर्त सम्पदाया संरक्षणयाय लागिं थ:पिं जानाच्चनागु दावी यानादिल ।

'७२ सालया भुखाचं क्षतिग्रस्त यल महानगर दुनेया सम्पदाया पुनर्निर्माणया इवल्य गुलिं थासय ज्या सिध:गु गुलिं थासय ज्या जुयाच्चंगु दु,' महानगर प्रमुख महर्जनं धयादिल । 'महानगर जिम्मा का:गु सम्पदा अलपत्र ला:गु म्दु ।' यल महानगरपालिका वडा नं २१ ख्वनाया 'रुद्रायणी नाच' व वडा नं २९ या हरिसिद्धिया जल प्याखं संरक्षणया लागिं नं आर्थिक ग्वाहालि यायत योजना दय काच्चनागु वयकलं धयादिल ।

कात्ति प्याखंयात व्यवस्थित व निरन्तरताय सहज दय्केत धका: कात्तिक नाच संरक्षण समितिं वडगु न्यादँ दुने १० करोड तकाया अक्षय कोष स्थापना याय्गु आज्जु का:गु दु । वंगु दँय कात्ति प्याखंया समापन समारोहस नवासें यल



आ:तकक सम्बन्धित समुदायाया अपनत्व, प्रतिबद्धता व इच्छाशक्तिं याना: जक थनया अमूर्त सम्पदात ल्यानाच्चंगु धासें महर्जनं धयादिल 'अमूर्त संस्कृति ल्यंकेत जीवन समर्पण या:पिं परम्परागत बाजं गुरु कलाकार, गुथियारतय आत्मसम्मान थकायत विशेष भत्ता, सम्मान व पाय्छि कथं पारिश्रमिक बीगु विषयस महानगरपालिका गम्भीर जुइमा: ।'

महानगरपालिकाया प्रमुख चिरिबाबु महर्जनं उगु अक्षय कोषय महानगरपालिकापाखें १ करोड तका ग्वाहालि याय्गु प्रतिबद्धता प्वंकादीगु ख: । व हे प्रतिबद्धता कथं महर्जनं थुगुसी ५० लाख तका बियादीगु ख: ।

महानगर प्रमुख महर्जनं संस्कृतिया संरक्षणया लागिं महानगरपालिकाया ख्वा: जक स्वयामच्वसे बैक अले वित्तीय

संघसंस्थाय ग्वाहालि का: वनेत छयाता बियादिल । बैक अले वित्तीय संस्थां दँयदसं सामाजिक उत्तरदायित्व अन्तर्गत छुं प्रतिशत धेबा सामाजिक ज्याय खर्च याय्मा:गु नियम दुगु धासें महर्जनं समितिं उखेपाखे नं पहल यायत इनाप यानादिल ।

समितिया नाय: चित्रकार मेयर महर्जनया थगुनेया बचंयात लुमंकाब्युसें

ल्यं दनिगु ५० लाख तका नं फक्क यकनं उपलब्ध याकाबीत माग यानादिल । हलिंया हे छगु उत्कृष्ट अमूर्त संस्कृतिया रुपय दुगु कात्ति प्याखं धेबाया अभाव न्हयाकेत थाकुयाच्चंगु धासं चित्रकार धयादिल 'कात्ति प्याखं ल्यंकेगु न्हापांगु दायित्व महानगरपालिकाया ख: । अथेजुगुलिं ल्यं दनिगु ५० लाख तका नं यकनं हे हस्तान्तरण जुइमा ।' कात्ति प्याखं देय्या विघ्नवाधा चिलावनीगु जनविश्वासलिसें ३७९ दँ न्हय:निसें मदिकक न्हयानाव:गु धयादिल । आ:तकक छक: नं मद्युनिगु प्याखंयात थुगुसी महामारीया अवस्थाय नं निन्हु जक क्यना: सां परम्परायात निरन्तरता बियागुलिइ सन्तुष्टि दुगु वयक:या धापू ख: ।

समितिया उपाध्यक्ष प्रतापधर शर्मा पारिश्रमिक मद्दुसां कलाकारया भवनात्मक आस्थां याना: कात्ति प्याखं जेनेतेन न्हयानाव:गु धासें धयादिल 'कलाकारपिन्त ई कथं ल्वयक पारिश्रमिक बीत अक्षयकोषय थप ५० लाख उपलब्ध याकेगुया विकल्प म्दु । महानगरपालिकां ल्यं दनिगु ५० लाख तका बीगुलिइ जिमित पुर्ण विश्वास दु ।'

नेवा: पत्रकार राष्ट्रिय दब्या महासचिव सुनिल महर्जनं नगरयात म्हसिकीगु, नगरया शान जुयाच्चंगु थज्या:गु मूर्त अमूर्त सम्पदाया संरक्षणया लागिं सरोकारवाला निकाय नुग: स्याय्मज्युगुलिइ ब: बियादिल ।

ल्यं ७ पेजय

येँ महानगर व मेलम्ची नगरपालिका दथुइ भगिनी सम्बन्ध स्थापना



येँ महानगरपालिकाया मेयर विद्यासुन्दर शाक्य मेलम्ची खानेपानी आयोजनाया ज्या सम्पन्न जुइवं येँय धू कुँ ब्वइ मख्गु धयादीगु दु । मेलम्ची खानेपानीया ल्या क्वचालिक येँय धू व कुँ ब्वयके मबीगु अभियानं मुर्तरुप काइगु मेयर शाक्यया धापू ख: । येँ महानगरपालिका व मेलम्ची नगरपालिका दथुइ अन्तरस्थानीय तह भगिनी सम्बन्ध स्थापनाया लागि समझदारी-पत्रय ल्हा:चिं तयधुंका: मेयर शाक्य थथे धयादीगु ख: । समझदारी-पत्रय येँ महानगरया मेयर विद्यासुन्दर शाक्य व मेलम्ची नगरपालिकाया मेयर डम्बर बहादुर अर्याल ल्हा:चिं तयादिल ।

उगु इलय मेयर शाक्य मेलम्ची खानेपानी विस्तारया आयोजना सम्पन्न मजुया: येँ महानगरया यक बजेट सडक म्हुइगु व दयेकेगुलिइ खर्च जुगु धयादिल । मेयर शाक्य देय् दुनेया स्थानीय तह दथुइ भगिनी सम्बन्ध स्थापना यायेगु ज्या महानगरपालिकां याना च्वनागु धयादिसें थुकि पर्यटनलिसें धार्मिक पर्यटनया लागि नं तँसा ग्वाहालि जुइगु धयादिल ।

भगिनी सम्बन्ध स्थापना जुइवं येँ महानगरपालिकाया आ.व. २०७७/०७८ या स्वीकृत बजेट अन्तर्गत नगर नगर साभेदारी ज्याइव: कार्यान्वयन यायत सिन्धुपाल्चोक

ल्यं ७ पेजय



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur

4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC (ID)/ Visiting Card
- & all kinds of press works

सम्पादकीय



राजनीतिक दलत देश दय्कःवःपिं कि रेसलिङ्ग म्याच म्हितः वःपिं ?

छम्हेसिनं धयाच्चन, देय् निर्वाचनमय जुल, निर्वाचनया तयारी जानादिसँ। हाकनं मेम्हेसिनं धाल, संसद विघटन असंवैधानिक खः, संसद पुनर्स्थापना जुइ, चुनाव जुइमखु।

दक्वसिया थःथःगु हे जक खँ। वं वयात गलत धाल, वं वयात गलत धाल। थःगु गलती सुनां खनीगु हे मखु। मेपिनिगु गलती क्यनेगु अले थः भिं जुइगुलिङ्ग सकलें मखु। उलि जक मखु, देशया विकास याय् धकाः तःधंगु संकल्प कयाः नेतृत्व कयाच्चर्चिं, देशया प्रमुख प्रमुख ओहदाय् च्वनाच्चर्चिं वं वयात वं वयात लाक्वपाक्व धयाः ब्वः बिया जुजुं हे लाःगु मखु।

देशय् ततःधंगु राजनीतिक परिवर्तन जुल। पंचायती व्यवस्थायात क्वथलाः बहुदलीय व्यवस्था वल। छगू परिवारं सारा देशवासीयात शासन याइगु राजतन्त्रयात क्वथलाः जनतां शासन याइगु गणतन्त्र वल। थज्याःगु राजनीतिक परिवर्तन हयगु निरितिं छधी जुयाः छगू शक्ति जुयाः दनीगु, परिवर्तनया निरितिं नेतृत्वदायी भूमिका मिहतीगु राजनीतिक दलतय्सं लिपा वयाः छाय् थथे अपरिपक्व जक मखु, असामाजिक प्रवृत्ती हे क्यनी ?

न्हापा जूसा ला छगू दल व मेगु दलया ल्वापुया खँ वइगु। आः दलत ल्वा जक ल्वाल्वां थुलि ल्वाय्त अभ्यस्त जुइधुकल कि मेगु दललिसे मखु, आः थःगु हे दल दुने थः थः नं ल्वाय् सयधुकल। स्वयादिसँ, न्हापा एमाले व माओवादी निखे, प्रचण्ड व ओली गबलें नं नापं दनेफुपिं हे मखु थें। जुजुं थ्व निगुलिं पार्टी छधी जुल। छुं ई ला ओली व प्रचण्ड शोले प्याखंया अमिताभ बच्चन व धर्मेन्द्र थें जुल। तर आः वयाः हाकनं खिचा व भौचा ल्वाय् थें। आः वयाः प्रचण्ड व ओली जक मखु, एमालेया हे ओली छवे, माधव व भलनाथ मेखे। अले प्रचण्ड छवे, बाबुराम जसपाय्, रामबहादुर थापा बादल ओलीपाखे।

कम्यूनिष्ट पार्टी टुक्रा जक जुइसःपिं धाइगु। आः ला काँग्रेस नं कम मखय्धुकल। संस्थापन पक्ष व विपक्षया विवाद ला न्हापा नं मद्दुगु मखु, तर आः वयाः शेरबहादुर व रामचन्द्र दथुइया कलह नं ओली प्रचण्डया हे लँपुइ मलाई धाय् मफय्धुकल।

थःथः ला मिलेचले जुयाः ज्या यानाः क्यनेमफु। जनतां थुमित गथे विश्वास याय्गु ? गुकथं थुमिसं देशया विकास याइ धाय्गु ? थज्याःगु अहम्, रिस, राग त्वःताः परिपक्व जुइगु खः कि थथे ल्वानाः सकसिगु न्ह्यःने थःगु ईज्जत वांछ्वयाच्चनेगु धकाः नेता धाःपिन्सं बिचाः याय्माःगु खः। आः वयाः नेतां बिचाः मयाय्गु खःसा जनतां ला बिचाः याय् माले हे धुकल।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वाःपतिइ थाय् बियाच्चन। पिदंगु च्वसुयात उचित पारिश्रमिक बीगु नं सुचं बियाच्चन।

लहना वाःपौ
भोर्छें, वें

lahana.news@gmail.com

गुकथं स्वय्गु नेवाःतय्सं कथित एकीकरणयात ?

पृथ्वीनारायण शाह धइम्ह गज्याःगु पृष्ठभूमिया शासक खः, वयागु राज्य वया इलय् गथे च्वं, वं छाय् स्वनिगलय् लोभ यात, गथे यानाः स्वनिगः त्याकाकाल, छु छु अमानवीय ज्या यात धइगु देशी विदेशीपिन्सं च्वयातःगु दु, आः पृथ्वी नारायण शाह धइम्ह मनू छुं रहस्य मखुत।



राजेंद्र मानन्धर

इतिहासय् ला च्वयातःगु मखं, तर थन थथे धाइगु - पृथ्वी नारायण शाह यें देय् हताः कःवःबलय् थन हे च्विपिं नेवाःतय्सं देय् धवाखा चाय्का बिउगु हँ, अले व थथे अःपुक वयाः देय् त्याकाकाल हँ। अथे यानाः सां न्ह्याथे यानाः सां यें देय् त्याका काःगु कालं जुल। थ्व खँ २५० दँ जुइधुकल, तर थौं नं भीगु जःखः थथे शत्रुयात धवाखा चाय्काबिइगु खनाच्चन। थ्व गजबगु पहिचान खः नेवाःतय्गु।

मेमेपिं नेपालीत अले विदेशीतय्सं नं नेवाःत तसकं कलाकार, धर्मात्मा, व्यापारी, नम्र स्वभाव अले मेमेगु छु छु धकाः बयान यानातःगु न्यनाः भी फुगं जुयाच्चन। तर व स्वयाः नं नेवाःत धइपिं इमान जमान मद्दुपिं, पास्याय् मत्यःपिं, काय् मियाः च्यः न्याइपिं अले हलुवा वा गोबर नं छुटेयाय् मसःपिं धकाः सुनां धाल धाःसा भी उकियात गलत धकाः धाय्गु अवस्थाय् मद्दु। कमसे कम थ्व दँय्दसं पौष २७ कुहु राज्य स्तरं अले गांगामं वयाच्चर्चिं मनुतय्गु संस्थां हनीगु कथित एकता दिवसकुहु छर्लङ्ग खनेदइ।

पंचायत ला पंचायत हे जुल। अबलय् त्वाःत्वानं, स्कुल कलेजं नं एकता दिवस धकाः ध्वँय् ज्वंकाः व पृथ्वी नारायण शाहयागु तसबिर् ज्वंकाः सिंह दरवार न्ह्यःने यंकीगु। आः नं छपुचःचा सां मनुतय्सं थुकुन्हु लाकाः श्राद्ध याना हे च्वंगु दनि। उपिं ला २५० दँ न्ह्यःतिनि नेपाली जुइखीपिं, उमिसं ला अथे याइगु हे जुल। तर भी, नेपाःमित ला म्द्वतिं नं निदवःदँ निसें सुयागु गुलामी याय्स्वाय्क न्ह्याम्ह न्ह्याथासं वःसां वयात नेवाः दय्काः च्वनाच्चनपिं आदिबासी नि। अले नेवाःत नं छाय् व हे हलुय् छु छु नं दइथे च्वातुमतु ध्वानाः वनाच्चंगु ?

अज्याःपिन्सं थःगु इतिहास, स्वाभिमान, पहिचानयात ध्याकुंचाय् छ्वयाः थःगु अस्तित्व हे सुं लुटेरा जुजुया दयामायां जक दयावःगु धकाः धयाच्चनी, करपिन्त कनाच्चनी। दँय्दसं थःगु न्हाय् धइम्ह पृथ्वीनारायण शाहया गुणगान यानाच्चनीपिं नं अज्याःपिं हे प्राणीत खः। थन विशेष यानाः पृथ्वी नारायण शाहया गुणगान याइपिं नेवाःतय्गु बारे खँ ल्वहेगु कुतः याय्।

भीसं ब्वनावयागु दु, थ्व निद्वः दँया लिखित इतिहास दूगु नेपाः गालय् थी थी वंशयापिं जुजुपिन्सं शासन यानावन। गुलिस्स्यां थुकियात छायापित, गुलिस्स्यां भज्यं क स्यंकल तर नेपाः नेपाः हे जुयाच्चन। तर, पृथ्वी नारायण शाहं थ्व नेपाः काय्धुंकाः धाः अथे मजुल। थ्व धइगु व मनू थः नेपाः जुइत वःम्ह मखु, भीत उमिगु थाय्का बासिन्दा दय्केत वःम्ह, थनया लुँ व्ह, हिरामोती लुटेयाःवम्ह खः। अले भी नेवाःत व खंक खंक हे नं दास जुइत तयार जुयाबिल।

धाइ न्हापा म्द्वं म्द्वं म्द्वं जाकिद्वं खन

कि वँय् चाइ। अथे धाःथे पृथ्वी नारायण शाहं थन वयाः थनया भाषा, धर्म, संस्कृति व सभ्यतायात नामेट याय्त थःगु धुर्त न्ह्यपुया छू छू पुर्जायात छ्यल। एकीकरण याःगु जूसा थनया गौरवमय इतिहासयात कयाः, थनया सम्पन्तायात कयाः भचा ला कृतज्ञ जुइगु जुइनि। तर अथे जगु धकाः क्यनेत इतिहासकारतय्के छुं हे मद्दु। गबलय्निसें वं नेपाः त्याकल अबलेनिसें हरेक जुजु जुयावःपिन्सं थनया श्रोतय् बलात्कार हे जक याःगु दु। उकिंला वंगु २५० दँया नेपाःया ई सभ्यता, विकास व समृद्धिया इतिहास मजू जालभेल, षडयन्त्र अले थः लाहि थज्याःम्ह सहकर्मीया पतनया स्वाहाने गयाः सत्ताय् वनेगु तिकडमया इतिहास जक जुल। थ्व खँ नेवाःतय्गु मिखां मखंगु ला ?

भीसं ल्वःमंका ला ? पृथ्वी नारायण शाहं स्वनिगःया जनतायात चि मनकुसें वा मेगु गुगु थाय्का जुजुपिन्त अथे हे भंगः लानाः हे नं त्याकाः काःगु खः। तर थौं नं छ्यः नेवाःत व हे देश लुटेयानाकाःम्ह पृथ्वी नारायण शाहयात द्यः भाःपियाच्चंगु दु। उमिसं धाइ - वनेपाः त्याकू मखु, एकीकरण याःगु, व नं विदेशीतय्सं त्याकाकाइ धकाः बचेयाःगु। थम्हं त्याकेदुसा एकीकरण, मेपिन्सं त्याकाकाःसा लाकाकाःगु धइगु तर्कया लिउनेया घच्चायापूगु यथार्थ थूसां मथू यानाच्चनेत भी बाध्य।

नेवाः जुइवं हे पृथ्वी नारायणया विरोध याय्माः धइगु मखु, प्रगतिया लँय् मजुसे विरोधय् हे जक तक्यनाच्चनेमाः नं धइगु मद्दु। तर अनावश्यक रूपं छम्ह अत्याचारी व अमानवीय ढंगं मनुतय्त स्याइम्ह, सास्ती नकीम्ह अले जालभेल यानाः सम्य व सम्पन्न देशया धुकू लुटेयाःवःम्हेसित व हे कथं जक चित्रण या जक धइगु खः।

थौं दरवार हत्याकाण्ड लिपा श्रीपेच पुनाः सक्रिय शासन याय् धाःम्ह जुजु हे नं थःगु धनवः च्वनाः सामान्य जनता धाय् काः जनताया निगाहलय् च्वनाच्चनेमाःगु दु। तर नं अज्याःपिं छपुचः मनुत मेबलय् ला मेबलय्, उमिगु पुष २७ धाःगु दिनय् लाकाः उमि पृथ्वी नारायण शाहयात भी दक्वस्यां हनाबना तयाबिउ धइगु भावं मछाः मजुसे सतकय् हे दंवयाच्चंगु दु। उकिंसं नेवाःत हे नं थी थी संस्थामार्फत, लेख रचना हे च्वयाः अले सामाजिक संजालय् पृथ्वी नारायण शाहया जयजयकार यानाच्चंगु दु। उलि जक मखु, एकीकरण धाःगुया विरोधय् च्वइपिन्त धम्की बीगु व लाक्वपाक्व धाय्गु तर्क नेवाःतय्सं यानाच्चंगु खनेदु। मस्यूपिं ला मस्यूपिं हे जुल, तर थःगु इतिहास हाकुतिनाः नेवाः सभ्यता विरोधीतय् ल्यूल्यु जुयाच्चर्चिं शिक्षित नेवाः ल्याय्महत्तय्सं धाःसा भीगु भविष्य अन्धकार दु धइगु संकेत क्यनाच्चंगु दु।

थथे धाइपिं नेवाःत स्वथी खना - छथी गणतन्त्र स्वयाः राजतन्त्र ज्यू उकिं राजतन्त्र लितहय्त पृथ्वीनारायणया जयकार याय् मा धाइपिं, मेखे पृथ्वी नारायण शाहनं नेपाः त्याकामकाःगु जूसा भी नेपाःमि हे जुइ खनीमखु धाइपिं अले मेपिं धाःसा इतिहासया खँ ल्हानाच्चनेमते, त्याःपिन्सं इतिहास दय् की धाइपिं। उमिसं सामाजिक संजालय् व पत्रपत्रिकाय् हे लेख च्वयाः नेवाःतय्गु दास मानसिकता ब्वयाच्चंगु दु।

अज्याःपिं नेवाःतय्सं इतिहासयात सीमित रूपं जक थुइकेगु प्रवृत्तिया कारणं जक पृथ्वी नारायण शाहयात स्वनिगःया नेवाःतय् दमनकारीया रूपय् चित्रित जुल धकाः नुगलय् स्याकी। इमित छ्याकः ल्वहँतय् ई फाःगु नं मयः। अले स्वनिगः व थनया नेवाः संस्कृतियात स्वय्गु पृथ्वी नारायणया दृष्टिकोण दूरदर्शी धकाः उद्घोष नं याइ। उमिगु धापु थ्व हे खः कि वर्तमान नेपाःया नक्शा कोरे याय्गु छू कडी गोरखा राज्यं कीर्तिपुरय् यागु आक्रमणयात ल्हवनाच्चनेगु औचित्यहीन ज्या खः।

आः राजतन्त्र मद्दय्धुंकाः नं जुजुयात म्वाकेत स्वयाच्चर्चिं, संघीयत गणतन्त्रया सल गयाः उपप्रधानमन्त्री जुइखीपिं तर्क आः जालभेल यानाच्चंगु दु, संघीयता विरोधीत पर्चा ह्वलाच्चंगु दु, फेकबुकया वालय् थःगु घृणित महात्वाकांक्षया ध्याचः छ्वाकाच्चंगु दु। गुम्हस्यां राष्ट्रिय एकताया चिंयात छू भाषा छू जातिया जक जुजुयात धाइ, गुम्हस्यां राजतन्त्र लिहां वय्केगु धाइ। उलि धाय्गु लागि जक हे आःया व्यवस्थाया नकारात्मक खँ ल्हवनाच्चनी। गुलि न्यनाच्चनेगु भीसं ?

थौया जनता पञ्चायती शिक्षा ब्वानाःपिं मखु। उमित नेपाःया इतिहास ब्वनेत त्रिभुवन विश्वविद्यालयं दय्कातःगु पाठ्यक्रम जक ब्वनाः लुमधं। पृथ्वीनारायण शाह धइम्ह

गज्याःगु पृष्ठभूमिया शासक खः, वयागु राज्य वया इलय् गथे च्वं, वं छाय् स्वनिगलय् लोभ यात, गज्याःगज्याःगु कुकृत्य यानाः स्वनिगः त्याकाकाल, अले थन वय्धुंकाः नं वं छु छु अमानवीय ज्या यात धइगु देशी विदेशीपिन्सं च्वयातःगु दु, आः पृथ्वी नारायण शाह धइम्ह मनू छुं रहस्य मखुत। हानं थ्व गणतन्त्रय् सु जुजुयात गज्याःगु सम्मान बिइमाः धकाः जनतां निर्णय याइ, दिछनिदँ जनतायात हाय्काः ख्वय् काः सिंहदरवार कब्जा याइपिं जातया भरय् शासन याइपिं मनुतय्सं याइमखु।

थज्याःगु इलय् नं थःगु स्वाभिमान बरः तयाः स्यूसं मस्युं छु यानाः, वा अध्ययन छुं मयाःसें सुयागुं लहलहलय् वा छुं भचा मान वा लाभ दइगु धकाः पृथ्वी नारायण शाहया, वा एकीकरणया वा एकता दिवसया समर्थन यानाः नेवाः हक अधिकार, स्वायत्तता व स्वाभिमानं जाःगु इतिहासया हत्या याय्गु ज्या नेवाःतय् पाखे हे जुयाच्चंगुयात सहज ढंगं काय्फइमखु।

नेवाः जुइवं हे पृथ्वी नारायणया विरोध याय्माः धइगु मखु, प्रगतिया लँय् मजुसे विरोधय् हे जक तक्यनाच्चनेमाः नं धइगु मद्दु। तर अनावश्यक रूपं छम्ह अत्याचारी व अमानवीय ढंगं मनुतय्त स्याइम्ह, सास्ती नकीम्ह अले जालभेल यानाः सम्य व सम्पन्न देशया धुकू लुटेयाःवःम्हेसित व हे कथं जक चित्रण या जक धइगु खः। थथे धाय् मफुतकि भीत भविष्यया सन्ततिं थुकलं बीगु निश्चित दु। गन वने गन वने थ्व भीगु हे विवेकया खँ।

द्यःचाकु संल्हू व माघ महात्म्य

सनातन संस्कृतिया अनुयायीतयसं द्यःचाकु संल्हूकुन्हु सुथ न्हापां खुसि, पुखू थज्याःगु पवित्र थासय वनाः स्नान यानाः द्यःयात लः बीगु लिसें पितृतयत तर्पण याइ धाःसा थक्कुन्हु ब्रम्हू वा पुरोहितपाखें लय महिता न्येनेगु नं चलन दु । लय न्येनेगु वा न्यंकेगुया मू उद्देश्य ऋतु, तिथि व बारया जानकारी कालबिल यायगु खः ।



कल्याण मित्र

नेपाःया आदिवासीतयसं थःगु संस्कार व परम्पराकथं मौलिक रुपय अतिकं न्हयइपुसेच्वक हना वयाच्वंगु द्यःचाकु संल्हू व माघे मेलाया महात्म्य अतिकं महत्वं जाः । स्वनिगःया आदिवासी नेवाः व तराईया आदिवासी थारुतयसं द्यःचाकु संल्हूयात थःथःगु रितिरिवाज कथं तःजिक हना वयाच्वंगु दु । अथे हे, मेगु जातितयसं नं थःथःगु हे संस्कार व परम्पराकथं हना वयाच्वंगु दु ।

माघ महिनाया संल्हू द्यःचाकु नयाः हनेगु संल्हू खः । अथे जुयाः थुगु संल्हूयात द्यःचाकु संल्हू नं धाङ्गु खः । दक्षिणायनय दुम्ह सुर्धः थक्कुन्हुनिसें उत्तरायणय सरे जुयावइ । १२ लाय दइगु १२ राशीकथं माघ महिना मकर राशीइ लाइगुलिं माघ संल्हूयात मकर संल्हू वा मकर संक्रान्ति नं धाइ । थुक्कुन्हुनिसें चा चीहाकः जुजु वनी, थव प्रकृतिया नियम हे खः । नेवाः संस्कार कथं द्यःचाकु संल्हूकुन्हु चाकुइ हाम्वः तथाः दयकातःगु लड्डु नयमाःगु व थीथी कथं हाम्वः छ्यलेमाःगुलिं थव संल्हूयात नेवाःतयसं हाम्वः संल्हू नं धायगु याः । थक्कुन्हु भतीचा अम्बःचुं बुलाः म्वःल्हुइमाःगु, हाम्वः तथाः चिकं बुलेमाःगु, काय्म्यायुपिन्त मांमं छ्यनय हाम्वः तथाः तूया चिकं थाकेमाःगु, हाम्वः तथाः पितृ तर्पण यायमाःगु, हाम्वः मिइ क्वयकेमाःगु, हाम्वः नयमाःगु अले हाम्वः दान यायमाःगु नेवाः संस्कार व परम्परा दु । थथे थीथी कथं हाम्वः छ्यलेमाःगुलिं हे थव संल्हूयात हाम्वः संल्हू नं धाङ्गु खः ।

चिकुलाया ई जुया नं म्ह चिकु पुनाच्वनीगुलिं लुमुगु वसतं पुनाः म्हायात क्वाकातय मालीगु अले क्वाःजः दइगु नसात्वेसा नयाः च्वनेमाःगुलिं व तागतया आपूर्ति यानाः म्हायात स्वस्थ यानातयत हना वयाच्वंगु थव द्यःचाकु संल्हूकुन्हु म्हायात अतिकं फाइदा दइगु द्यःचाकु, तरुल, पलः, न्यानापं सम्हयबजि नयाः नखः हनेगु भी पुर्खातयसं दयकातःगु थव चलन वैज्ञानिक दृष्टिकोणं नं पाय्छि खनेदु । चिकुलाया इलय म्हायात मदयक मगाःगु क्वाःजः, तागत व म्ह धिसिलाका तयत थीथी कथंया नसा त्वेसा दयकाः नयगु चलन भी पुर्खातयसं न्ह्याका



वयाच्वंगु थव नखः नेवाः संस्कार नाप हे स्वापु दुगुलिं नं थुकिया तःधंगु महत्व दुगु खः ।

थव नखः हनेगु भूवलय नेवाःतयगु छैखापतिकं सुथ न्हापां सुचुपिचु याइ, नीसी यानाः द्यःपूजा याइ । द्यः पूजा यायबलय नं द्यःचाकु, न्या, तौला व सम्हयबजि छाइ । अथे हे, पितृ तर्पण यायबलय नं द्यःचाकु, तौला, न्या, सम्हयबजि, जाकि, पलः, माय आदि तथाः दान बीगु याइ । नेवाःतयसं नखःचखः हनीबलय दक्कले न्हापां द्यःपूजा यानाः पितृयात तर्पण यानाः वा पितृ भाग छखे तयधुंकाः जक नखः हनेगु इवलय थःथीत व पासाभाईपिन्त नं ब्वनाः भव्य नकेगु चलन नं नेवाः संस्कृति दुने लाः ।

छैयु दुपिं काय्म्यायुपिन्त मांमं छ्यनय चिकं थाकेगु चलन दुसा बियाछ्वयधुंकीपिं म्हायामस्तयत नं थुक्कुन्हु हे नखत्या ब्वनाः छ यनय चिकं थाकेगु चलन दु । बियाछ्वयधुंकीपिं म्हायामस्तयतसं मचा मबूतले भाःतापिथाय द्यःचाकु नयमज्यु धयागु नेवाःतय मान्यता दु । अथे हे, थव म्हायामचा नखः जूगुलिं जिलाजिपिं ससलय वनाः नयमज्यु, भार लाइ धयागु पुलांगु धापू नं दु । अथे जुयाः हे द्यःचाकु संल्हूकुन्हु म्हायामस्त व भिनामस्त जक नखत्या वनी ।

थक्कुन्हु सैन्या नयमाः धाइ । सैन्या नःसा शत्रु कमजोर जुइ धाइ । अथे हे, वाउंगु लाभाया छ्यं न्हययमाः, शत्रुया छ्यं न्हययगु ति जुइ धाइ । थक्कुन्हु नयगु पलः नं यलय पलः हे माः धकाः मालाः मालाः सां न्यानाहयगु याइ । द्यःचाकु व सम्हयबजि नाप तःखाः, सन्याखुन्हा नं नयगु याइ । नखः हनीबलय द्यःचाकु संल्हूकुन्हु सुथय छैजःपिं सकले छथाय तुं च्वनाः मकलय मि च्याकाः उकी द्यःचाकु, तरुल व दयकातःगु नसा ज्वलंया

छकू छकू छानाः सैन्या नं मिइ छानाः कुँ वय की । थथे नेवाःतय द्यःचाकु संल्हू हनेगु संस्कार दया वयाच्वंगु दु ।

सनातन संस्कृतिया अनुयायीतयसं द्यःचाकु संल्हूकुन्हु सुथ न्हापां खुसि, पुखू थज्याःगु पवित्र थासय वनाः स्नान यानाः द्यःयात लः बीगु लिसें पितृतयत तर्पण याइ धाःसा थक्कुन्हु ब्रम्हू वा पुरोहितपाखें लय महिता न्येनेगु नं चलन दु । लय न्येनेगु वा न्यंकेगुया मू उद्देश्य ऋतु, तिथि व बारया जानकारी कालबिल यायगु खः ।

थक्कुन्हु तराईया आदिवासी थारुतयसं माधी संक्रान्ति वा तिला संक्रान्ति धकाः तःजिक धूमधाम नक्सं हनेगु याइ । थक्कुन्हु थारुतय न्ह्युगु दँ जूगुलिं न्यानुतक्क न्हयइपुसेच्वक नखः हनेगु याइ । थारु समुदायया फाया ला नयाः धमार म्य हालाः माधी हनेगु चलन दु ।

मगः समुदायं धाःसा हराभरा जुइक उभेउली थःगु जीवनय प्रवेश याःगु लसताय द्यःचाकु संल्हू हनी । थव नखःबलय मगःतयसं खास यानाः धनुषचरण मिहेतेगु, छेलो कयकेगु, वनय दुगु वनतरुल, भ्याकुर, गिट्टा, न्या, ला नयगु अले माय, जा व चि छथाय तुं तथाः खिचडी दयकाः नयगु व खिचडी हे पितृयात पिण्ड बीगु याइ । थक्कुन्हु मगःतयसं थः म्हायामस्त व इष्टमित्र पासाभाईपिन्त ब्वनाः भव्य नकेगु चलन दु । नेपाल सरकार मिति २०६५ पौष २३ य माघे संक्रान्ती मगर जातिका पनि राष्ट्रियपर्व हुने धकाः निर्णय यानाः घोषणा जूगुलिं मगः जातिपिन्त गौरव तायकाः थव नखः राष्ट्रियपर्वया रुपय हना वयाच्वंगु दु ।

माधीकुन्हु काभ्रेया पन्तिइ मकर मेला धकाः हनी । थव मेला लिच्छवीकालीन जुजु मानदेवया पालीनिसें न्ह्याःगु खः धाइ । थव

संल्हूकुन्हु देयया थीथी तीर्थय माघ स्नानया मेला हे जुयाच्वनी । माघ स्नान धकाः म्वः ल्हुयाः मेला हनेगु इवलय वागमती अंचलया त्रिशुली व तादी खुसिया दोभान देवीघाटय व स्वनिगःया वागमती खुसि अले मनमती मनहरा खुसिया संगम शंखमूलय, अथे हे नारायणी अंचलया त्रिशुली, कालीगण्डकी व राप्ती खुसिया त्रिवेणी देवघाटय मेला जुइ । नारायणी अंचलया देवघाटय मेलाय ब्वति कायत नेपाः भारतया इलद्वः भक्तजनतय भीड हे जुयाच्वनी । थव मेलाय ब्वति कायत व स्नान यानाः पितृ तर्पण बीगु निर्ति छहु न्हयः हे देवघाटय बासं च्वनीपिं इलद्वः दयाच्वनी ।

अथे हे, गुल्मी ऐतिहासिक, धार्मिक महत्व महत्व दुगु रू क्षेत्रय नं माघ संल्हूया मेलाया निन्हु स्वन्हु न्हयःनिसें नेपाः व भारतया भक्तजनत वनेगु याइ । माघ संल्हूया मेलाय ब्वति कायत गुल्मी, पाल्पा व स्याङ्जाया संगम रू क्षेत्रय भक्तजनतय तःधंगु हे भीड जुयाच्वनी । वैसाख संल्हू, माघ संल्हू व हरिबोधनी एकादशीकुन्हु विशेष यानाः तःधंगु मेला जुइगु थव रू क्षेत्र स्वंगू जिल्लाया संगम जूगु व थव हे क्षेत्र जुयाः कालीगण्डकी न्ह्यानाच्वंगुलिं नं स्वन्हुतक्क गण्डकय स्नान यानाः अन दुगु ऋषिकेशव द्यःया दर्शन याय वं दक्वं पापं मुक्त जुयाः मोक्ष चूलाइ धयागु जनविश्वास दु । अथेजुयाः रिडीया रू क्षेत्रय दैयदसं माघया १ गतेनिसें ३ गतेतक्क गण्डक स्नान याइपिं भीड हे जुयाच्वनी । ऋषिकेशव, भृंगतुंगेश्वर, रूकन्याया देगः, रामनाम स्तूप, माण मुकुन्देश्वर, महाविष्णुया नापं दर्जनौ मल्याकक यक्क देवालयत दुगु थव क्षेत्रयात नेपाःया वनारस नं धायगु याः ।

अथे हे, द्यःचाकु संल्हूकुन्हु खवपया सिपाडोल गाविसय दुगु आशापुरेश्वर

महाःद्यःयाथय नं मेला जुइ । थन नं तातापाकनिसें भक्तजनत वयाः मेलाय ब्वति काः वइ । यक्वसिया आशा पुरा यानाबीम्ह थव आशापुरेश्वर महाःद्यःयाथय भक्तजनतयसं अतिकं श्रद्धा, भक्ति व विश्वास यानाः पूजा यायत वयगु याः । द्यःचाकु संल्हूकुन्हु खवपय दैयदसं न्याम्ह दिपंकर बुद्ध भगवानया मूर्ति ब्वयगु याइ । यैय धाःसा १२ दैय छकः स्वनिगःया दक्वं दीपंकर बुद्धया मूर्ति हनुमानधवाखा लायकू न्हयःने द्यःचाकु संल्हूया न्हयतकुन्हु ब्वयगु याइ । मनूतयगु हे आकारया ६/७ फिटया दीपंकरया मूर्ति कन्हयकुन्हु द्यःचाकु संल्हूकुन्हु स्वयम्भूया भुइख्यलय ब्वयाः सम्यक पूजा यानाः पञ्जरां पर्व न्यायकी । जुजुया नं उपस्थिती दइगु उगु सम्यक पूजाय जुजुयात नं दीपंकर बुद्धया रुपय हनाः पूजा याइगु खः । आः वयाः जुजु मद्गुलिं दीपंकर बुद्धया मूर्ति जक तथाः पञ्जरां पर्व हनेगु याइ ।

माघ महात्म्य हनेगु इवलय सक्वय मिजतयसं अपसं च्वनाः अष्टमातृका देवीया आराधना यानाः म्ह दू दायगु व मिसातयसं सहस्र जलधारा हायकाः वज्रयोगिनी देवीयात क्षमा पूजा यायगु याइ । माघ महात्म्य हनेगु धकाः स्वनिगःया त्वाःपतिकं सहस्र जलधारा हायकाः तीर्थय वनाः म्वः ल्हुयाः माघ महात्म्य भजन हालाः गां नगर परिक्रम यायगु चलन दु । तर आः वयाः थव चलन यक्क थासय तना वनेधुंकेल । गनं गनं गामय जक ल्यं दनि । सक्वय धाःसा थव चलन आःतकं दनि ।

अथे हे, यलया थेच्वय नं थव परम्परा आःतकं ल्यं दनि । यलयय माघ महात्म्य परिक्रमा याइबलय १० अवतार प्रदर्शन यानाः सवा लाख सहस्र जलधारा हायकाः जात्रा हनेगु परम्परा दु । श्री स्वस्थानीया व्रत बाखं प्रारम्भ जुइगु दिनिसें हे माघ महात्म्य शुरु जुइ । थव हे इवलय थेच्वमितयसं कुलद्यःया पूजा, वृहस्पति द्यःया जात्रा व माघ महात्म्य छक्कल हनीगु जुयाः नं थुकिया विशेष महत्व दु । सुर्धनिसें शुरु जुइगु थव जात्राय जल छायत वनेगु धकाः अपसं च्वीपिं मिजतयसं सवा लाख जलधारा द्यःयात छायगु व अपसं च्वीपिं मिसातयसं थःगु म्हाय देवा च्याकाः थेच्वया ब्रम्हायणी, बालकुमारी, नवदुर्गा व भैरव परिक्रमा यानाः अतिकं श्रद्धा भक्तिपूर्वक थेच्वया ज्यापुतयसं जात्रा हना वयाच्वंगु दु । दश अवतार द्यः नं सम्मिलित यानाः हनीगुलिं नं थव जात्रा अतिकं न्हयइपुसेच्व । कुलद्यः पूजा, माघ महात्म्य व वृहस्पति जात्रा नं जुइगुलिं थव थेच्वया जात्रायात छगु थेच्व स्वंगू जात्रा नं धायगु याः । थव जात्रा मल्लकालनिसें न्ह्याना वयाच्वंगु खः धाइ ।

स्वस्थ पत्रकारिताको विकास स्वतन्त्र र हक

अधिकारको जगेर्ना, राष्ट्रिय सर्वमान्य प्रचलन र

मान्यतालाई समायोजन गर्दै अगाडि बढ्नु आजको

अपरिहार्य आवश्यकता हो ।



नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग



मोहनिया एकादशी तिथिइ
थेच्च न्ह्यब्वःगु नवदुर्गा प्याख्यां छुं
लू। नवदुर्गा प्याखं दैयदसं मोहनिया
चालं व कति पुन्हिया दिनस यल
दरवार क्षेत्रस्थित मूचुक व एकादशीइ
सुनाकोथि व वादेशय् क्यनेगु
परम्परा दुगुलिइ थुगुसी कोभिड-१९
महामारीया हुनिं स्थगित याःगु खः।
थे चवय् धाःसा सरकारं
क्वःछिनातःगु स्वास्थ्य मापदण्ड
पालना यानाः दैयदसं थें थुगुसी नं
प्याख्यात निरन्तरता ब्यूगु खः।



यःमरि पुन्हिया इवल्यु थेचव्यु
न्त्यब्बःगु नवदुर्गा प्याखंया छु लू।
कोभिड-१९ महामारीया हुनिं थुगुसी
थेचव्यु ब्रम्हायणी, बालकुमारी,
गनेद्यःया खः जात्रा व भैरवया
सिन्दुर जात्रा स्थगित याःगु दु।
यःमरि पुन्हिया कन्हयकुन्दु पौषकृष्ण
प्रतिपदायु नवदुर्गा प्याखं थेच देयु
चाःहुइकेगु परम्परा दुगुलिइ थुगुसी
महामारीया हुनिं थेच क्वयलाछि
त्वाःय लसकुतितक्क जक यानाः छम्ह
हँयु बलि बियाः क्षमा पूजायाःगु खः।

यैँ महानगरं थीथी थासय् आधुनिक मत तइगु



यैँ महानगरपालिका थःगु क्षेत्र दुनेया मुख्य-मुख्य सडकय् करीब ६० किलोमिटर थासय् आधुनिक सडक मत जडान याइगु जुगु दु। वंगु मंसिर २५ गते यैँ महानगरपालिका, नेपाल विद्युत प्राधिकरण व सडक विभाग दथुइ जगु सहमती कथं महानगरं थुगु प्रक्रिया न्ह्यःने यंकुगु खः। उज्यालो संघीय राजधानी कथं यैँया म्हासिके बीगु निति मेयर उज्यालो अभियान अन्तर्गत आधुनिक सडक

मत जडान यायेगु ज्या न्ह्यःने यंकगु यैँ महानगरपालिकाया मेयर विद्यासुन्दर शाक्य जानकारी बियादिल।

यैँ महानगरपालिका थःगु क्षेत्र दुने करीब ८० गु थासय् उच्च मात्राय् जः बिइगु मत (हाइमास्ट लाइट) जडान यायगु ज्या यानाच्वंगु दु, नगर कार्यपालिकाया ५५ क्वःगु बैठकय् राष्ट्रिय सभागृहय् सम्बन्धन यासे मेयर शाक्य धयादिल,

‘थातायात व्यवस्थापन, शान्ति सुरक्षा कायम यायगु व सामाजिक सुरक्षा लगायतया सेवा सुविधायत चुस्त दुरुस्त तयत यैँ महानगरपालिका मुख्य-मुख्य सडकय् करीब १७५० गः आधुनिक मत तयत टेण्डर प्रक्रियाय् याकन न्ह्यःने यंकुगु जुइ।’

सहमति कथं सडक मतः जडानय् यैँ महानगरपालिकाया ६० प्रतिशत व नेपाल विद्युत प्राधिकरणया ४० प्रतिशत लगानी दइ।

मांअबुया नामय् अस्पतालयात ग्वाहालि



छत्रपाटी निःशुल्क चिकित्सालय अस्पतालया न्ह्यु दयेकेत्यंगु भवन “माऊ बढी भवन” या निति सानी कपाली न्हयगु लख तका ग्वाहालि यानादीगु दु। सानी कपाली व कृष्ण गोपाल रञ्जितकार चिकित्सालयया अध्यक्ष डा. मनोजमान

श्रेष्ठयात उगु धेबा लःलहानादिल। यैँया शोभा भगवतीइ स्वां मीगु ज्या यानाच्वंमह कपाली थः अबु सुकुमान कपाली व मां प्रेम कुमारी कपाली लिसें तता मैयाँ कपालीया नामय् अस्पतालया न्ह्यु भवन दयेकेगु लागि ग्वाहालि यानादीगु खः।

नृत्य निर्देशक संघया दँ मुँज्या क्वचाल



थःगु दक्क दुःखयात सुचुकाः देय् या म्हासिका न्हयब्वयाच्वनीपिं नृत्य निर्देशकतय्त समस्या जूबलय् सुनां छुं हे च्यूताः मक्यंगु सरोकारवालातय्सं धाःगु दु। नृत्य निर्देशकतय् कुसा संगठन नृत्य निर्देशक संघ नेपालया प्यक्वःगु दँ मुँज्याया वक्तापिंसं न्ह्याबलें देय्या म्हासिका न्हयब्वयाः प्याखं हुलाच्वनीपिं कलाकारतय्त लकडाउनया इलय् सुनां वास्ता मयाःगु अनुभव न्यंकल। वरिष्ठ नृत्य गुरु पूर्ण नेपाली समाजय् थःगु उपस्थिती प्रभावकारी दयेकते सकलें संगठित जुयाः छधी जुयाः

न्ह्याःवनेमाःगुलिइ बः बियादिल। हरेक स्कूलय् नृत्य विषय व नृत्य गुरु धाःसा माःगु तर पाठ्यक्रम विकास यायगु योजना मदुगु नेपाली धयादिल। संघया केन्द्रीय नायः भुवनदास श्रेष्ठ नृत्य निर्देशकतय् समस्या समाधान यायत व क्षेत्रया वृहत्तर हितया लागि फक्क यायगु प्रतिवद्धता प्वकादिल। ज्याइवलय् कलाकार नन्दिताराज वैद्य व समाजसेवी हसना शाक्ययात मानार्थ सदस्यता ब्यूगु खःसा संघया यैँ, यल, ख्वप व चितवनमाय न्ह्यु चयन जगु कार्यसमितियात खादा क्वखाय्काः भिंतुना नं ब्यूगु खः।

सुनचाँदी व्यवसायी महासंघय् माणिक निर्वाचित

नेपाल सुनचाँदी व्यवसायी महासंघया अध्यक्षय् माणिकरत्न शाक्य निर्वाचित जगु दु।

महासंघया थौं क्वचाःगु च्याक्वःगु दँ मुँज्या अले स्वक्वःगु तःमुँज्या शाक्य वरिष्ठ उपाध्यक्षय् अर्जुन रसाइलीयात ल्यःगु दुसा मेपिं उपाध्यक्षय् मोहनकाजी शाक्य, दिव्येश्वर शाक्य व विपिन रामुदामु च्वनादीगु दु। एसोसिएटस उपाध्यक्षय् पवन सोमानी दु। महासंघय् महासचिवया निति धर्मसुन्दर बज्राचार्यायात ल्यःगु दु। कोषाध्यक्षय् सुदीप श्रेष्ठ दी।

निम्ह सचिवय् किरणभाइ बज्राचार्य व बाबुराम विश्वकर्मा निर्वाचित जगु दु। सभा सहकोषध्यक्ष पदय् पद्मसुन्दर शाक्य च्वनादीगु दु। प्रवक्ता कथं मनोजकुमार



शाहयात ल्यःगु दु। देय्यनकया लुँवहःया व्यवसायीतय् कुसा संगठन नेपाल सुनचाँदी

व्यवसायी महासंघ २०६९ साल फागुन २० गते विधिवत् रूप दर्ता जगु खः।

कात्ति...

महासचिव महर्जन संस्कृतिप्रति राज्य व स्थानीय सरकार गौरव याःसां व कथं संरक्षणया लागि गाकक स्रोतया व्यवस्था मयाःगु धयादिल। आःतक्क सम्बन्धित समुदायया अपनत्व, प्रतिबद्धता व इच्छाशक्ति यानाः जक थनया अमूर्त सम्पदात ल्यनाच्वंगु धासे महर्जन धयादिल ‘अमूर्त संस्कृति ल्यंकेत जीवन समर्पण याःपिं परम्परागत बाजं गुरु, कलाकार, गुथियारतय् आत्मसम्मान थकायत विशेष भक्ता, सम्मान व पाय्छि कथं पारिश्रमिक बीगु विषयस महानगरपालिका गम्भीर जुइमाः।’

उगु हे ज्याइवलय् ललितपुर उद्योग वाणिज्य संघया न्ह्यु निर्वाचित कार्यसमितियात खादा क्वखाय्काः भिंतुना

देखाःगु खः। ज्याइवलय् कार्तिक नाचयात थीथी कथं मदिकक ग्वाहालि यानाच्वंगु धासें यल महानगरपालिका १६ वडाया वडाध्यक्ष निर्मलरत्न शाक्ययात सुभाय देखासे सम्मान नं याःगु खः। वडाध्यक्ष शाक्य थुगुने नरसिंहया निति न्ह्यु मुकुट लिसें थुगु दँय अक्षय कोषया निति १० लख तका नं बियादीगु खःसा बराहया निति न्ह्यु मुकुट दय्काः बियादीगु खः।

ज्याइवलय् ललितपुर उद्योग वाणिज्य संघया न्ह्यु नायः मनोज बहादुर न्याछ्यं, निवर्तमान नायः कृष्णलाल महर्जन, पाटन संग्रहालयया प्रमुख सरस्वती सिंह, नेपाल पर्यटन बोर्डया प्रवन्धक उदय भट्टराई, महानगरीय प्रहरी प्रभाग मंगलबजारया प्रमुख रामेश्वर त्वातीलिसेया उपस्थिती

दुगु खः।

यैँ महानगर..

रिजल्लया मेलेमची नगरपालिकालिसेया सहकार्य पर्यटकीय थाय्या रुपय् विकास यायेत मेलेमची सिटी पार्क निर्माण यायगु सम्भौताय् उल्लेख याना तःगु दु। समभदारी लिपा यैँ महानगरपालिका मेलेमची नगरपालिका वडा नं. १० मेलेमचीबजार लिकक इन्द्रावती खुसि सिथय लःया फोहरा, हेलियाड, पर्यटक विश्रामस्थल, बालबालिका खेलकुद कक्ष सहितया पर्यटकीय मेलेमची सिटी पार्क निर्माणया लागि रु. १ करोड ५० लाख रकम अनुदान बीगु सम्भौता-पत्रय् हस्ताक्षर याःगु खः।

तोखाय् क्रश दुवाथलन जुइगु

नेपाल ट्राईयाथलन संघया ग्वसालय् वइगु शनिबाः तोखाय् क्रस दुवाथलन च्यालेन्ज जुइगु जगु दु। नेपाल ट्राईयाथलन संघ कोभिड महामारी आक्रान्त जुयाच्वंगु अवस्थाय् स्थानिय मन्तयत क्रियाशिल दयकुसें कासामार्फत लवय्लिसे ल्वायेगु क्षमता थकायेगु आज्जु च्यालेन्ज ग्वसाः ग्वयत्यनागु धाःगु दु। आः ट्रायथलनलिसे आवद्ध कासामि स्वयां न्हूपिं कासामिपिन्त प्राथमिकताये तयाः च्यालेन्ज यायेत्यनागु ग्वसाः खलकं न्हयथंगु दु।

च्यालेन्ज यैँया तोखा, किपू व यल यानाः स्वथाय् पाक्षिक रुप छथाय् निक्कः निक्कः स्थानिय निकायलिसे समन्वय यानाः यायेगु व मेथाय् नं कासा जुइगु थाय् निरिक्षण यायेधुंकाः च्यालेन्ज ग्वसाः ग्वयेगु संघं धाःगु दु। च्यालेन्ज ताः

ईतक्कया लागि कासामि उत्पादन यायत व कासामितय्त कासाप्रति उत्साहित जुइत ग्वाहालि जुइगु संघं न्हयथंगु दु। संघं स्वनिगलं पिनेया थाय्यात महत्वय् तयाः स्थानिय कासामि उत्पादन, प्रचार प्रसारय् मवःगु थाय्यात न्ह्यःने हयाः आन्तरिक पर्यटन विकासयात तर्क ध्यानय् तयाः कासा यानावनेगु आज्जु तःगु दु।

ट्रायथलनया विधातमध्ये क्रस दुवाथलन नं छगु खः। क्रस दुवाथलनय् २ दशमलव ५ किलोमिटर दौड, १० किलोमिटर साईकिलिङ्ग व १ दशमलव ५ किलोमिटर दौड जुइगु संघया महासचिव अले ट्राईयाथलनया बिज्ञ युवराज सुनुवार धयादिल। च्यालेन्ज स्वनिगःया ऐतिहासिक पुलांगु थाय् तोखाया गनेछःनिसें चन्डेश्वरीतक्कया थासय् जुइ।

राम प्रजापति प्रोप्राइटर

हास्ती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

100% Vegetarian

Sweet Cave
Sweets, Namkeen, Fast Food

Sweet Cave
(जीवन दाईया पसः)

Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।
आउटडोर भेज क्याटरीङ्ग पनि गरिन्छ।

नेपालमण्डल टेलिभिजनया अध्यक्ष्य रमेश महर्जन निर्वाचित



नेपालमण्डल टेलिभिजनया अध्यक्ष्य नेपाल सुनचाँदी रत्न तथा आभुषण महासंघया केन्द्रिय अध्यक्ष रमेश महर्जन हाकन निर्वाचित जुयादीगु दु। यलया भोलध्वाखास्थित ज्यापू समाजया भवनय् शनिवाः क्वचाःगु नेपालमण्डल टेलिभिजनया ९क्वःगु साधारण सभा लिसै निक्वःगु दै मूज्या महर्जनयात मेगु ४ दैया कार्यकालया लागि हाकन अध्यक्ष्य सर्वसम्मत् चयन याःगु खः। महर्जन निक्वःगु कार्यकालया लागि हाकन अध्यक्ष्य चयन जुयादीगु खः। अथेहे साधारण सभा संचालक समितिया दुजलय् उद्योगपतिपि पञ्च ज्योति, दिपक श्रेष्ठ,

ध्रुवकुमार श्रेष्ठ, अधिवक्ता मंगल महर्जन, कुमारराजा महर्जन, सिल्भिया राजोपाध्याय, नातिभाइ महर्जन व शर्मिला महर्जनयात नं सर्वसम्मत् ल्यःगु दु।

नवनिर्वाचित अध्यक्ष महर्जन न्हूगु कार्यकालय् नेपालमण्डल टेलिभिजन देशय् दुने जक मखसे विदेशय् दुगु संघसंस्थातलिसै नं जानाः गुणस्तरीय प्रशारण यायेगु धयादिल। ज्यापू समाजया अध्यक्ष चन्द्र महर्जनया मू पाहाँसूइ जुगु साधारणसभाय् नेपालमण्डल टेलिभिजनया आर्थिक वर्ष २०७६/०७७ या वार्षिक प्रगति

प्रतिवेदन व आर्थिक प्रतिवेदन प्रस्तुत याःगु खसाः निदै न्हयः नेपालमण्डल टेलिभिजन ग्वसाः ग्वःगु कलाकार मनराजा साँगितिक ज्याइवःपाखे जुगु आम्दानीइ नेपालमण्डल टेलिभिजन श्रस्ता सम्मान कोष नं स्थापना याःगु दु। उगु कोषया लागि संस्थापक सदस्यलिसै प्रबन्ध निर्देशक प्रकाशकाजी महर्जन, उद्योगपति बाबुराजा महर्जन, ज्यापू समाजया अध्यक्ष चन्द्र महर्जन, संचालक समितिया दुजःपि मंगल महर्जन, शर्मिला महर्जन, सिल्भिया राजोपाध्याय रकम बियादीगु खः।

अथेहे ज्याइवल्य् टेलिभिजनया प्रगतिया लागि ज्यापू समाजया अध्यक्ष चन्द्र महर्जन, सल्लाहकार रामकाजी अंबाले, बाबुराजा महर्जन लगायत भिन्तुना देछानादिगु खः। २०६८ सालया यःमरि पून्हकुन्हु नेवाः समुदायया कला, संस्कृति, भाषा, सभ्यता प्रचार प्रसार यायेगु उद्देश्य नेपाःया न्हापांगु आदिवासी टेलिभिजनया रूपय् नेपालमण्डल टेलिभिजन स्थापना जुगु खः।



www.chhaimalesort.com.np | www.facebook.com/chhaimalesort

City Office:

Newa: Nuga: Complex, Om Bahal, Kathmandu, Nepal
Tel: 4268121 | Email: booking@chhaimalesort.com.np

Ramche Bhanjyang, Chhaimale-13, KTM
Resort No.: 01-6924909, 9851181409

NOVEL CORONA VIRUS (nCoV)
सर्वसाधारणक लामि जलदोतलमुलक संदेस

नोबेल कोरोना भाइरसका मुख्य लक्षणहरू			नोबेल कोरोना भाइरसबाट कसरी बच्नु र बचाव दिनुपर्ने ?		
ज्वरो १००.४०० वा उच्च ताप	खस आंशिक वा पूर्ण	दुखा र खोपी	बिर्लिन हात सफु, कसिे ता पु	बेला र ठाउँ काँ बन्न सक्ने	सुन कसिे सफु
नोबेल कोरोना भाइरसबाट ज्वरो उठेपछि ५-७ दिनसम्म घुम्न नहुनु, ज्वरो उठेपछि, बर्ति/उठेपछि घुम्नु, स्वास्थ्यकर्तासँग परामर्श लिएर घुम्नु, स्वास्थ्यकर्तासँग परामर्श लिएर घुम्नु।			सुन कसिे सफु, बिर्लिन हात सफु, कसिे ता पु, बेला र ठाउँ काँ बन्न सक्ने, सुन कसिे सफु, बिर्लिन हात सफु, कसिे ता पु।		



कीर्तिपुर नगरपालिका

नगर कार्यपालिकाको कार्यालय, देवढोका काठमाडौं

कोरोनाका महामारी सुरक्षित जुडित लकडाउनका पूर्ण पालना चानादिसे लकडाउनका अवलम् राहत माःसा, एम्बुलेन्स माःसा वा छु नं कथंका ज्वाहालि माःसा तवय बिचातइगु फोन नम्बरय स्वापू तयादिसे

एम्बुलेन्सया मिति : १०२

राहत व मेमेगु ग्वाहालिया मिति : टोल फ्री नं. ११८० व ११३१

१६ft (Social Distancing)
Hand Hygiene (Wash your hands often)
Wear a Mask (Wear a mask)
Healthy Lifestyle (Healthy lifestyle)

११ महानगरपालिका काठमाडौं महानगरपालिका इरीमजम. सुन्धारा

सेमिनार वा कार्यक्रमया मिति लञ्च बक्सया डोर टु डोर सर्भिस याय्गु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।

Delicious Sweets

बिग बेल
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323